



Broj: T01 0 KT 0044363 23

Bihać: 24.2.2025. godine

OPĆINSKOM SUDU U CAZINU
- Sudiji za prethodno saslušanje -

Na osnovu odredbe iz člana 45. stav 2. tačka i) i h), člana 241. stav 1. i člana 350. Zakona o krivičnom postupku Federacije BiH, podižem:

OPTUŽNICU

Protiv:

- 1. E. M.**
- 2. D.M.**

Što su:

D. M. sama

- Dana 15.10.2023. godine oko 5,00 sati, u C., u naselju [REDACTED], u dijelu porodične kuće u kojoj stanuje sa suprugom E. M. i djetetom, nakon što se vratila iz noćnog provoda, svjesna da nasiljem i drskim ponašanjem ugrožava mir i tjelesnu cjelovitost člana svoje porodice, a što je i htjela, pustila je glasnu muziku što je izazvalo plač djeteta, zbog čega je E. M., njena svekrva, krenula da vidi šta se dešava, kada ju je D. M. fizički napala na način da ju je uhvatila za kosu i rukama je udarala po tijelu, uslijed kojih radnji je E. M. zadobila povrede ispodočne regije lijevo u vidu modrice, povredu regije lijevog ručnog zgloba u vidu modrice i povredu lijeve nadlaktice u vidu ogrebotine, koje povrede su kvalifikovane kao lake tjelesne povrede,

dakle, nasiljem i drskim ponašanjem ugrozila mir i tjelesnu cjelovitost člana porodice,

čime je počinila krivično djelo Nasilje u porodici iz člana 222. stav 1. Krivičnog zakona Federacije BiH.

E. M. sam

- Dana 15.10.2023, poslije 5,00 sati, u C., u naselju [REDACTED], u porodičnoj kući gdje stanuje, a nakon što su policijski službenici u sastavu od A. B. i R.M. došli po prijavi nasilja opisanog pod tačkom 1 optužnice, istim je galamio, psovao i prijetio da će „satrati” autom najmanje jednog policajca, nakon čega mu je izdato jasno

upozorenje da prestane sa drskim ponašanjem, a na koje se oglušio pa je opet vikao: „*Marš napolje!*” pri tom unoseći se u lice policajcima, zbog čega su OSL ga stavila pod kontrolu i lišili slobode, da bi u prostorijama PS Cazin prilikom boravka, svjestan da ozbiljno prijeti da će napasti službenu osobu u vršenju poslova sigurnosti a što je i htio, policijskom službeniku A. B. je psovao porodicu i izrekao prijetnju: „*Doći ću u Bužim i ubiću te!*”,

dakle, ozbiljno prijetio da će napasti službenu osobu u vršenju poslova javne sigurnost,

čime je počinio krivično djelo – Napad na službenu osobu u vršenju poslova sigurnosti iz člana 359. stav 1. Krivičnog zakona Federacije BiH.

Na osnovu izloženog predlažem da Sud u odnosu na osumnjičenog E. M. zakaže glavni pretres radi vođenja krivičnog postupka, a da temeljem odredbe iz člana 350. stav 1. i 2. ZKP-a F BiH, predlažem da Sud donese presudu kojom se osumnjičena D. M. proglašava krivom za krivično djelo Nasilje u porodici iz člana 222. stav 1. Krivičnog zakona Federacije BiH i da joj izda sljedeći:

KAZNENI NALOG

Osumnjičenoj D. M., zbog krivičnog Nasilje u porodici iz člana 222. stav 1. Krivičnog zakona Federacije BiH, izriče se:

UVJETNA OSUDA

Kojom se osumnjičenoj utvrđuje kazna zatvora u trajanju od 30 (trideset) dana i istovremeno određuje da se utvrđena kazna neće izvršiti ukoliko osumnjičena u roku od 1 (jedne) godine od dana pravomoćnosti presude ne počini novo krivično djelo.

PRIJEDLOG

dokaza koje treba izvesti

- 1. Da se u svojstvu svjedoka sasluša:**
- 2. Da se ispita vještak :**
- 3. Da se izvrši uvid i/ili pročita:**
- 4. Da se pregleda:**

REZULTATI ISTRAGE

Dokazi koji potvrđuju navode optužnice:

Kantonalni tužilac